

ДАРХАН-УУЛ АЙМГИЙН ЗАСАГ ДАРГЫН 2021-2024 ОНЫ ҮЙЛ АЖИЛЛАГААНЫ ХӨТӨЛБӨРИЙГ ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨНИЙ ХЭРЭГЖИЛТЭД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭНИЙ ТАНИЛЦУУЛГА

2023.06.25

Дархан-Уул аймаг

Нэг. Хяналт-шинжилгээ, үнэлгээний зорилго

“Дархан-Уул аймгийн Засаг даргын 2021-2024 оны үйл ажиллагааны хөтөлбөр, хөтөлбөрийг хэрэгжүүлэх арга хэмжээний төлөвлөгөө”-ний хэрэгжилтэд хяналт-шинжилгээ, үнэлгээ хийж, гүйцэтгэлийг тавьсан зорилт, хүрэх түвшинтэй нь харьцуулан хэрэгжилтийн түвшинг тогтоон үр дүн, үр нөлөөг нэмэгдүүлэх, хэрэгжилт, хариуцлагыг сайжруулж, зөвлөмж, дүгнэлт гаргах, удирдлагыг үнэн зөв, бодит мэдээллээр хангах, төлөвлөсөн зорилтыг бүрэн биелүүлэхэд дэмжлэг үзүүлэх.

Хоёр. Хяналт-шинжилгээ, үнэлгээний үндэслэл арга зүй

Засгийн газрын 2021 оны 374 дүгээр тогтоолоор батлагдсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.2-т заасны дагуу Төрийн захиргаа удирдлагын хэлтсээс нэгтгэж ирүүлсэн “Дархан-Уул аймгийг Засаг даргын үйл ажилланааны хөтөлбөрийг хэрэгжүүлэх арга хэмжээний төлөвлөгөөний хэрэгжилт”-ийн үр дүнд хяналт-шинжилгээ, үнэлгээг хийлээ.

Зорилт, арга хэмжээний хэрэгжилтийг үнэлэхдээ “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6 дугаар бүлгийн 6.2.2-т заасан аргачлалын дагуу арга хэмжээний хүрсэн түвшинг хүрэх түвшинд харьцуулан хувиар, зорилтын хэрэгжилтийг энэ журмын 6.2.3-т заасан аргачлалын дагуу тооцож, арга хэмжээний дундаж үнэлгээгээр 4 ангилалд шилжүүлэн тооцлоо.

Гурав. Үнэлгээний дүгнэлт


“Дархан-Уул аймгийн Засаг даргын 2021-2024 оны үйл ажиллагааны хөтөлбөр, хөтөлбөрийг хэрэгжүүлэх арга хэмжээний төлөвлөгөө”-ний 2023 оны эхний хагас жилийн хэрэгжилтийн **7 бүлэг, 20 дэд бүлэг, 80 зорилтын хүрээнд 266 арга хэмжээг** хяналтад авч хяналт-шинжилгээ, үнэлгээ хийхэд **69.02%** буюу **3.45** онооны үнэлгээтэй байна.

Дархан-уул аймгийн Засаг даргын 2021-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөний хэрэгжилтийн үнэлгээг үнэлгээний шатлалаар задалж харуулбал:

Хүснэгт 1.

№	Хэрэгжилтийн үнэлгээ, хувь	Арга хэмжээний тоо, эзлэх хувь
1	Үр дүнтэй буюу 100.0 %	75 (28.2%)
2	Тодорхой үр дүнд хүрсэн буюу 90.0%	41 (15.41%)
3	Тодорхой үр дүнд хүрсэн буюу 70.0%	54 (20.3%)
4	Эрчимжүүлэх шаардлагатай буюу 50.0%	39 (14.67%)
5	Эрчимжүүлэх шаардлагатай буюу 30.0%	48 (18.04%)
6	Үр дүнгүй 0.0%	9 (3.38%)

График 1.



“Дархан-Уул аймгийн Засаг даргын 2021-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө”-д 2023 оны эхний хагас жилийн хэрэгжүүлэхээр тусгасан **266** арга хэмжээнээс **170** арга хэмжээг **ХАНГАЛТТАЙ** гэж үнэлэв.

“Дархан-Уул Аймгийн Засаг даргын 2021-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө”-ний хэрэгжилтийг бодлого тус бүрээр харуулбал:

Хүснэгт 2

№	Бодлого	Зорилт	Арга хэмжээ	Хэрэгжилт
1	Хүний хөгжлийн бодлого	24	87	76.2% буюу 3.81 оноо
2	Эдийн засгийн бодлого	17	84	57.2% буюу 2.85 оноо
3	Засаглалын бодлого	9	34	85.15% буюу 4.25 оноо
4	Ногоон хөгжлийн бодлого	7	19	53.09% буюу 2.65 оноо
5	Бүс, орон нутгийн хөгжлийн бодлого	3	10	48.0% буюу 2.4 оноо
6	Халдварт цар тахлаас үүдэлтэй эдийн засаг, нийгмийн хүндрэлийг даван туулах бодлого	3	5	78.0% буюу 3.9 оноо
7	Шинэ сэргэлтийн бодлого	17	27	73.58% буюу 3.67 оноо
Ерөнхий, дундаж үнэлгээ		80	266	69.02% буюу 3.45 оноо

Дөрөв. Эрчимжүүлэх шаардлагатай арга хэмжээ

Зорилт, арга хэмжээ нь шалгуур үзүүлэлт болон хагас жилд дэвшүүлсэн зорилтот түвшиндээ хүрээгүй, удирдлага зохион байгуулалт, хариуцлагыг сайжруулж, үйл ажиллагааг эрчимжүүлэх шаардлагатай буюу **50.0%**, **30.0%**, **0%-иар** үнэлэгдсэн дараах арга хэмжээнүүд байна.

Хүснэгт 3

№	Үнэлгээ	Тоо	Арга хэмжээний дугаар
1	Эрчимжүүлэх шаардлагатай буюу 50.0%	39	1,57,58,68,92,94,96,103,109,115,124,125,139,146,147,150,152,159,161,163,175,178,180,181,182,207, 217,229,246,247,248,251,254,258,264,266,271,277,278
2	Эрчимжүүлэх шаардлагатай буюу 30.0%	48	9,11,14,45,64,70,79,87,105,107,108,116,117,119,123,126,127,131,134,138,144,145,153,156,157,169,170,173,174,176,177,179,183,184,212,223,226,234,236,237,244,245,249 252,263,276,280,284
3	Үр дүнгүй 0.0%	9	18,158,166,167,200,221,224,238,243

Тав. Дүгнэлт

“Дархан-Уул аймгийн Засаг даргын 2021-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө”-ний 2023 оны эхний хагас жилд хэрэгжүүлэхээр тусгасан 266 арга хэмжээний хэрэгжилтэд хяналт-шинжилгээ, үнэлгээ хийлээ.

Аймгийн Засаг даргын 2021-2024 оны үйл ажиллагааны хөтөлбөрт нэмэлт өөрчлөлт оруулах тухай 2022 оны 12 дугаар сарын 02-ны өдрийн №57 дугаар тогтоолын дагуу Монгол Улсын Засгийн газраас дэвшүүлж буй “Алсын хараа-2050” Монгол Улсын урт хугацааны хөгжлийн бодлого, “**Шинэ сэргэлтийн бодлого**”-ыг хэрэгжүүлэх зорилгоор аймгийн иргэдийн Төлөөлөгчдийн Хурлын 2020 оны 12 дугаар сарын 4-ний өдрийн Дархан-Уул аймгийн Засаг даргын 2021-2024 оны үйл ажиллагааны хөтөлбөр батлах тухай 02/08 дугаар тогтоолын хавсралтад “**долдугаар**” бүлгийг нэмсүгэй, гэсний дагуу **17** зорилт, **27** арга хэмжээг нэмж тусган төлөвлөгөөг гарган <http://new.unelgee.gov.mn/> цахим санд орууллаа.

Төрийн захиргааны удирдлагын хэлтсээс нэгтгэж ирүүлсэн “Дархан-Уул аймгийн Засаг даргын 2021-2024 оны үйл ажиллагааны хөтөлбөр”-ийн хэрэгжүүлэх арга хэмжээний төлөвлөгөөний хэрэгжилтийг нягтлан сайжруулалт хийж, бодлогын 3 хэлтэс, мэргэжилтнүүдтэй холбогдож тодруулга, нэмэлт мэдээлэл авч, эргэх холбоо үүсгэн ажиллаж, үг үсгийн алдаа, найруулга, тоон мэдээлэлд анхаарч ажиллалаа.

Хяналт-шинжилгээ, үнэлгээний үр дүнд нийт 266 арга хэмжээнээс зорилт, арга хэмжээний биелэлт, шалгуур үзүүлэлт, зорилтот түвшиндээ хүрсэн, удирдлага зохион байгуулалт сайн, үр дүнтэй хэрэгжсэн 170 арга хэмжээ, тодорхой үр дүнд хүрсэн 39 арга хэмжээ, эрчимжүүлэх шаардлагатай 48 арга хэмжээ, үр дүнгүй 9 арга хэмжээ дүгнэгдэж ерөнхий үнэлгээ **69,02%** буюу **3.45** оноогоор “**тодорхой үр дүнд хүрсэн**” гэж дүгнэлээ.

Зургаа. Цаашид анхаарах асуудал: / ЗӨВЛӨМЖ /

1. Аймгийн Засаг даргын эрхлэх асуудлын хүрээний агентлаг бүр тухайн онд хийсэн ажлын үр дүнг 1000-2000 тэмдэгтэд багтаан бодит үр дүнг тоо баримтаар тайлагнахад онцгой анхаарч, байгууллагын хяналт-шинжилгээ, үнэлгээний багаар өөрийн үнэлгээг өгч, удирдах албан тушаалтантай танилцуулж, гарын үсгээр баталгаажуулан, хугацаанд нь аймгийн ЗДТГ-ын бодлогын хэлтэстээ хүргүүлэхэд анхаарах,
2. Журмын 6 дугаар бүлгийн 6.2.1, 6.2.2-т заасан аргачлалын дагуу арга хэмжээний хүрсэн түвшинг хүрэх түвшинд харьцуулан хувиар, зорилтын хэрэгжилтийг энэ журмын 6.2.3-т заасан аргачлалын дагуу тооцож, арга хэмжээний дундаж үнэлгээгээр үнэлэх,

3. Аймгийн ЗДТГ-ын бодлогын хэлтсүүд агентлагаас ирүүлсэн хэрэгжилтэд хийсэн ажлын үр дүнг бүрэн гүйцэт тусгасан эсэх, найруулга үг үсгийн алдааг хянах, “Эрчимжүүлэх шаардлагатай, удаашралтай” арга хэмжээний шалтгаан нөхцөл, сайжруулах гарц шийдлийн саналыг тусгаж байх,
4. Төрийн захиргааны байгууллага бүр чиг үүргийн хүрээнд явуулж байгаа үйл ажиллагаа болон иргэдэд үзүүлж буй төрийн үйлчилгээний чанар хүртээмжийн талаар иргэдийн сэтгэл ханамжийн судалгааг тогтмол зохион байгуулж хэвшүүлэх, үр дүнтэй тайлагнаж иргэдээс гарсан саналыг жилийн гүйцэтгэлийн төлөвлөгөөнд тусгаж хэрэгжүүлэхийг,
5. Засгийн газрын Хяналт-шинжилгээ, үнэлгээний цахим санд Засаг даргын үйл ажиллагааны хөтөлбөрийн хэрэгжилтийг тайлагнахдаа арга хэмжээ тус бүрт зарцуулсан хөрөнгө түүний эх үүсвэрийн хэрэгжилтийг тодорхой тусгах.

ТАНИЛЦСАН: ДАРХАН-УУЛ АЙМГИЙН
 ЗАСАГ ДАРГА Б.АЗЖАРГАЛ

ҮНЭЛГЭЭГ ХЯНАСАН: ХЯНАЛТ-ШИНЖИЛГЭЭ, ҮНЭЛГЭЭНИЙ
 ХЭЛТСИЙН ДАРГА П.БАЯРСАЙХАН

ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН:
 МЭРГЭЖИЛТЭН Г. ГЭРЭЛМАА